




1615_054.jpg



1615_055.jpg



1615_056.jpg



1615_057.jpg

Histoire de nostre temps.

57


fois & quantes que se sont presentez l'affaires concernas l'interest du Royaume, soit pour entreprises de la Cour de Rome, ou des Princes estrangers, Regences, Gouvernemens pendant les minoritez des Roys, conseruation des droicts & fleurons de la Couronne, & manutention des loix fondamentales de l'Estat: Les propositions & remonstrances sont tousiours parties de la mesme compagnie, & la plus part des resolutions y ont esté prises, tesmoin le grad & solemnel arrest pour la cōfirmation de la loy Salique en la personne de Philippes de Valois, & celuy depuis donné pendant les troubles par les Officiers de vostre Parlement, bien qu'ils fussent reduits en captiuité & aprehension cōtinuelle de la mort ou de la prison, laquelle action fut dès lors louee grandement par le feu Roy vostre pere de tres-heureuse memoire, se pouuant dire avec verité que cét arrest fortifié de la valeur de ce grad Roy, a empesché que vostre Couronne n'ait esté transferee en main estrangere.

Encores de nostre tēps le feu Roy Henry III. s'estant retiré de Paris à Chartres en May 1588. & les Deputez de vostre Parlement l'ayant esté promptement trouuer pour faire leur deuoir, sa Maiesté leur tesmoigna le contentemēt qu'elle auoit de leur fidelité, declara hautement auoir grand regret de n'auoir suiuy leurs conseils, & de les auoir contrainsts à la verification de plusieurs Edicts, lesquels tost apres furent reuoeuez: Et vostre Maiesté mesme peut estre memoratiue du grand & signalé seruice qui vous a esté rendu par vostre Parlement, lors du detestable parricide du feu Roy Henry le Grand vostre pere; Et comme par l'arrest, qui sera memorable à iamais, il destourna prudemment les orages qui sembloient renuerfer vostre Estat, & comme depuis il a continué continuellement à la deffense de vostre souueraineté, contre ceux qui l'ont osé debatre & impugner, tant de viue voix, que par leurs escrits.

Et si quelquefois les Roys, pour quelque cōsideration particuliere, ou mal conseillez, n'ont agréé les remonstrances de ceste compagnie, ils en ont apres tesmoigné du regret, cōme il se voit par la vertueuse remonstrance faicte au Roy François I. cōtre le Concordat, & le iuste

*Rois qui
n'ayās point
agréé les re-
monstrances
du Parlemēt
de Paris en
ont apres tes-
moigné du
regret.*

1615_058.jpg



1615_059.jpg

Histoire de nostre temps.


59

bien dire que tous ceux qui ont considéré la grandeur de vostre royaume & son establissement, ont admiré par dessus tout la singulière providence de ses fondateurs qui ont voulu que toutes les graces, bien-faits, recompenses dépendissent de la seule faueur des Princes, afin qu'il en eust tout le gre & la bien-veillance des peuples : & au contraire que l'exercice de la Justice & observation des loix du royaume, fut souverainement attribuee à vos Parlemēs, & mesme que nos Roys, pour donner exemple aux subiects, se soumissent volontairement pour leurs droicts à ceste Justice souveraine, & permissent qu'on la leur rendist comme à vn particulier : mais ce qui est plus considerable & important, c'est que par ce fondement estably en vostre Estat, vostre Maïeste n'est pas seulement deschargee de l'enuie, mais exempte de l'importunité des grands & autres qui l'assiēgent sans cesse, lesquels bien souuent obtiendroient par la faueur ou autrement des choses grandement prejudiciables à l'Estat : Bref, vostre Parlement se peut donner ceste gloire véritable, que le corps ne s'est iamais separé ny de l'vny du chef auquel il s'est tousiours au plus mauvais temps & plus roide saison tellement ioint, que l'on ne l'a point veu se departir de l'obeyssance des Rois vos predecesseurs.

Quant aux raisons qui ont donne subiect à l'arrest, vostre parlement voyant les desordres en toutes les parties de vostre Estat, & que ceux qui en profitēt à la ruine de vostre peuple, pour s'exempter d'en estre recherchez, s'efforcent de donner à vostre Maïeste de sinistres impressions de ceste compagnie, luy faire perdre creance, & l'esloigner de vostre affection, a de grādes raisons de desirer s'instruire avec les Grands du royaume, des causes de tous ces desordres, les rendre tesmoins de sa fidelite & deuotion à vostre seruice, & aduiser avec eux des moyens conuenables, non pour en ordonner & resoudre, mais pour les proposer à vostre Maïeste, avec plus de poids & autorite, apres auoir este concertez en vne telle & si celebre compagnie, & par ce moyen les engager eux-mesmes en la reformation, & reduire les actions & interets de tous à l'ordre qui seroit estably

*Raisons qui
ont donné
subiect à
l'arrest du
28. Mars.*

1615_060.jpg



60 M. D. CXV.

par vostre Maiesté.

D'ailleurs, l'effect de l'arrest estant remis sous vostre bon plaisir, doit faire cesser, non seulement tous ombrages, mais aussi les pretexts d'aucune entreprise faite sur vostre autorité, qui sera tousiours à vostre Parlement sainte & inuiolable.

Des desordres qui sont en l'Estat, & les remedes d'iceux.
SIRE, les officiers de vostre Parlement n'ayans degeneré de la vertu & fidelité de leurs peres, ont iugé que le plus grand & notable seruice qu'ils pourroient rendre à vostre Maiesté estoit de luy faire entendre les Desordres, afin qu'elle y puisse apporter les remedes par sa singuliere prudence: car comme il faut que toute maladie prenne fin, ou par la mort, ou par la guarison, ainsi est-il necessaire que les Desordres qui sont vrayes maladies des Estats finissent ou par vne subuersion entiere de l'Estat, ou par vne reformation vniuerselle.

Le plus grand regret de vostre Parlement, SIRE, & qui le touche plus sensiblement, est d'auoir veu dans la ville capitale de France, à la face des Estats, en presence de vostre Maiesté, de la Royne vostre mere, des Princes & Seigneurs, qu'on ait voulu rendre vostre puissance souveraine douteuse & problematique, & à renuerfer la loy fondamétale de vostre Royaume: c'est pourquoy pour arrester le cours de telles maximes pernicieuses, vostre Parlement supplie vostre Maiesté, De ne permettre que la souveraineté, qu'elle tient nûement & immediatement de Dieu, soit soubmise à autre puissance, pour quelque pretexte que ce soit, & en ce faisant ordonner que les loix de tout temps establies en vostre Royaume, & les arrests interuenus sur icelles, pour la seureté de vostre personne sacree seront renouvellez & executez, & ceux tenus pour ennemis de vostre Estat, lesquels veulēt soubmettre vostre dignité Royale à autre domination estrangere, & toutes declarations enuoyees hors vostre Royaume, au preiudice de vostre souveraineté, soient declarees nulles, comme contraires aux loix fondamentales de l'Estat.

1. D'entretenir les anciennes alliances.
Vostre Parlement supplie tres-humblement vostre Maiesté de considerer combien il est necessaire d'entretenir les anciennes alliances & confederations renou-

1615_061.jpg

Histoire de nostre temps.

61

uélées par le feu Roy de tres-heureuse memoire, avec les Princes, Potentats & Republiques estrangeres, d'autant que de là dépend la seureté de vostre Estat & le repos de la Chrestienté.

Et ne se pouuant esperer que l'ordre qui sera estably par vostre Majesté puisse estre de longue duree, sans l'aduis & conseil de personnes graues experimentees & interessees, vostre Majesté est tres-humblement suppliee retenir en vostre Conseil les Princes de vostre sang, les autres Princes & Officiers de la Couronne, & les anciens Conseillers d'Estat, qui ont passé par les grandes charges, & ceux qui sont extraits de grandes maisons, & familles anciennes, qui par affection naturelle & interest particulier sont portez à la conseruation de vostre Estat, & en retrancher les personnes introduites depuis peu d'annees, non pour leurs merites & seruices rendus à vostre Majesté, mais par la faueur de ceux qui y veulent auoir des creatures.

Et d'autant qu'il est à craindre qu'aucuns de ceux qui ont l'honneur d'approcher de vostre personne, & participer aux cōseils plus secrets de vostre Majesté, gagnent par pensions de Princes estrangers, n'employent courtoisement leur faueur & conseil à l'aduancemēt de leurs affaires, au prejudice des vostres : deffenses soient faites à toutes personnes de quelques qualitez qu'elles soient, de recevoir pensions, dons, & appointemens d'aucun Prince estranger, sur peine d'estre declarez criminels de leze Majesté, & semblablement à tous Cōseillers de vostre Conseil, Officiers de vos Cours souueraines, ou autres, de prendre pensions ou appointemens d'aucuns Princes ou Seigneurs de vostre Royaume, du Clergé, & autres Communautés, à peine d'estre punis comme criminels de leze Majesté, & comme concussionnaires, suivant vos Ordonnances.


Que les Officiers de la Couronne, Gouverneurs des Prouinces & villes de vostre Royaume soient maintenus en leur autorité, & puissent exercer les charges dont il a pleu aux Roys les honorer, sans qu'aucun se puisse entremettre de disposer, & ordonner de ce qui dépend de leur fonction.

3.
D'oster du
Conseil du
Roy, ceux qui
par faueur
s'y sont in-
troduits de-
puis peu
d'annees.

4.
De punir les
Officiers du
Roy, qui
prennent &
reçoivent des
pensions, &
appointe-
ments.

5.
De mainte-
nir les Offi-
ciers de la
Couronne &
les Gouver-
neurs en leur
autorité, &
fonction.

1615_062.jpg



1615_063.jpg

Histoire de nostre temps.

63

voriser & augmenter en ce qui se pourra, sans desroger des subjects aux Edicts de Pacification, & toutesfois reprimer *du Roy avec* deffendre toutes intelligences, conseils secrets, habitudes & les Ambassades communications trop frequentes de vos subjects tant Ecclesiastiques qu'autres, avec Ambassadeurs ou Princes estrangers, Princes estrangers, comme aussi l'introduction du nouveau serment de fide-
 delité qui se fait à present par aucuns Ecclesiastiques, & ordonner que les informations de la vie & mœurs de ceux qui seront pourueus de benefices consistoriaux, seront faictes pardeuant les Euesques diocesains, comme on auoit accoustumé

Conseruer aussi les marques de l'autorité & antiquité de l'Eglise Gallicane, ne permettre qu'il soit entrepris sur les droicts franchises & libertez.

Que l'Eglise soit repurgee des abus qui s'y glissent tous les iours, par le moyen des confidences publiques, coadjutories & reserves, & autres telles corruptions, & que les coadjutoreries qui ont esté vendues, mesmes pendant la tenue des Estats, soient reuoquees & annul-
 lees.

Que la multiplicité des nouveaux Ordres de Religieux introduicts depuis peu d'annees en vostre Royau-
 me à la diminution de vostre auctorité & ministere des Pasteurs ordinaires, soient reduites & reiglees par les anciens decrets, constitutions canoniques, capitulaires & ordonnances des Roys vos predecesseurs, & Arrest de vostre Parlement.

Et d'autant que l'ignorance ordinairement est mere de l'heresie, & que le seul moyen de l'extirper est que les Archeuesques, Euesques, & Abbez soient de bonne vie & mœurs, & literature, pour enseigner, prescher, & donner bon exemple à toutes sortes de personnes, vostre Majesté est tres humblement suppliee pour la conseruation de la Religion Catholique Apostolique & Romaine, vacation aduenant des Archeueschez, Eueschez, & Abbayes, d'y nommer personnes de bonne famille, qui soient de prudence & de vertu, aagez au moins de trente ans, & de suffisance & qualité requise par les SS. Decrets & Conciles: & qu'aucun Estrangers ne soient admis aux grandes dignitez & Prelatures de l'Eglise contre les or-

10.

De conseruer
l'Eglise Gal-
licane.

11.

De repurger
les abus des
confidences
& coadjute-
reries.

12.

De veigler la
multiplicité
des nou-
ueaux Or-
dres de Reli-
gieux.

13.

De la Nomi-
nation, aux
Archeues-
chez, Eues-
chez & Ab-
bayes.De n'admet-
tre les Estran-
gers aux Pre-
latures.

Image issue du site mercurefrancois.ehess.fr - Cliché (c) Cécile Soudan